

DIVISIONES VTRIVSQUE IVRIS

ad Differentias proximæ.

LEANDRI GALGANETTI

I. C.

COLLENSIS, AC CIVIS ROMANI.

COMITIS PALATINI, AC AVRATÆ

Militiæ Aequitis, in Romana Curia causarum

Aduocati integerrimi;

ET AD PRAESENS IUDICIS APPELLATIONVM,
nullitatum Urbis, ac Romani Populi Capitanei.



ROMAE, Apud Gulielmum Facciottum. M. DC. X.

SVPERIORVM PERMISSV.

DIVISIONES

ATRIAE ET VARI

et Differentias proximae

L. E. A. N. D. R. I.

GALCANETTI

— C —

AD PARSIS AD CIVIS ROMANI

AD PARSIS PATRIAE AD PARSIS

AD PARSIS PATRIAE AD PARSIS

AD PARSIS PATRIAE AD PARSIS

AD PARSIS PATRIAE AD PARSIS

AD PARSIS PATRIAE AD PARSIS



AD PARSIS PATRIAE AD PARSIS

AD PARSIS PATRIAE AD PARSIS

*image
not
available*

cursum dirigo lucidissima meæ in hoc studiorum
mari nauigationis sydera defletere; Offero igitur
curam hanc meam tibi, maximæ expectationis, ac
supra ætatem Puer, precorq. te, vt in hoc exiguò,
atque infra meritum tuum, ac meum vobis officij
debitum munere, mei erga te orientem sæculi no-
stri solem, ac Domum tuam Excellentissimam, ob-
sequij, ac deditissimæ vobis omnibus, Principes
Burghesij, voluntatis immensitatem introspicias,
quod facile facti tibi est, qui tam aui ingenio præ-
stas, quam eum nomine repræsentas, neque enim
minus à bono rerum æstimatore ex Elephanto-
rum, balenarumq. corporibus, quam ex formicis,
apibusq. summi eorum fictoris Dei Sapientię In-
finitas colligi, ac quodammodo attingi, ne dùm
considerari potest: Vale Pulcherrimè ciuitatis flos,
ac virtutis fructus, quos nobis isthæc egregia in-
doles tua promittit, vberrimos, ac diuturnos quam
primum præsta ad nobilissimæ gentis tuæ, ac Chri-
stianæ Reipublicæ ornamentum.



INDEX



I N D E X.
DIVISIONVM IVRIS.



A		<i>Conuentionis .</i>	27
A	<i>Resolutionis .</i>	D	
	47	<i>Donatio .</i>	23
	<i>Actionis .</i>	<i>Donatio mortis cau-</i>	
	26	<i>sa .</i>	24
	<i>Actionis nego-</i>	E	
	<i>ciorum gesto-</i>	<i>Piscoporum .</i>	49
	<i>rum .</i>	<i>Exceptionum .</i>	36
	34	<i>Excommunicationis .</i>	46
<i>Actionis praescriptis verbis .</i>		<i>Exilium .</i>	5
33		F	
<i>Adoptio .</i>	9	<i>Ideiussor .</i>	42
B		<i>Furti .</i>	35
<i>Onorum possessio .</i>	18	I	
C		<i>Imperium .</i>	41
<i>Anonum diuifio .</i>	45	<i>Interdicta .</i>	15
39		<i>Iudicia publica .</i>	3
<i>Clericorum .</i>	48	<i>Iudicium prauaricationis .</i>	9
<i>Cognatio .</i>	20	<i>Ius .</i>	1
<i>Conditionum .</i>	22	L	
<i>Constitutiones Principum .</i>	2	<i>Egata .</i>	21
<i>Consuetudo .</i>	44		

<i>Liberationem .</i>	37	<i>Præuarcationis Iudicium .</i>	6
<i>Libertini .</i>	13	<i>Procurator .</i>	3
<i>M</i>	<i>M</i>	<i>Possessio .</i>	14
<i>Andati .</i>	32	<i>Postliminij .</i>	40
<i>Matrimonium .</i>	53	<i>Publica iudicia .</i>	3
<i>Munus .</i>	8	<i>R</i>	
<i>N</i>	<i>N</i>	<i>Elegatio exilium .</i>	5
<i>Egociorum gestorum .</i>		<i>Res .</i>	1
34		<i>S</i>	
<i>Nomina appellatiua .</i>	43	<i>Serui .</i>	11
<i>Notationis .</i>	38	<i>Seruitutes .</i>	16
<i>O</i>	<i>O</i>	<i>Societatis .</i>	31
<i>Bligatio .</i>	25	<i>Sponsalia .</i>	52
<i>P</i>	<i>P</i>	<i>Stipulationum .</i>	28
<i>Acti conuenti .</i>	27	<i>Stipulationum prætoriarum .</i>	
<i>Peccatum .</i>	51	29	
<i>Peculium .</i>	12	<i>T</i>	
<i>Pignoris .</i>	30	<i>Testamenti .</i>	19
<i>Pæna .</i>	4	<i>Tutor .</i>	10
<i>Pœnitentia .</i>	50		

F I N I S .



De Diuisione ipsa.



EST autem Diuifio, quæ rem femouens à re vtramque abfoluit ratione fubiefta. Cicer. ad Herennium, lib. 4. de Diftributione, verf. Diuifio eft, &c. & dicitur etiam communioris rei in anguftiores, & minus communes Difftinftio. teftè Guliel.

Lapid. in tractatu de Diuif. in fuo Meth. Dialeft. & alia dicitur nominis, alia rei. Nominis eft, quando vocabuli fignificationes, quæ interdum multæ funt, exponimus, quam Lapid. partitionem æquiuocationis vocat, quæ ad differentiam proxime accedit; cum ob diuerfitatem nominis inducatur diuerfitas rei, vt in Iure eft Diuifio Iniuriæ. Inft. de Iniur. in princ. & diuifio familiæ. l. pronuntiatio. 195. ff. de verborum fignif. rei eft, vel generis in fpecies, vel totius in partes, illa proprie diuifio, hæc partitio appellatur; & differt hæc fpecialis diuifio à partitione, ficut fpecies à parte; de fpecie autem genus predicatur, de parte totum non; non enim vt dicimus hominem efle animal dici potefl parietem efle domum. Diuifionis fpecialis tria funt præcepta. Primum, vt fit bimembris. Secundum, vt differentiæ, ex quibus conftat, fint repugnantes. Tertium, vt omnes fpecies rei diuidendæ complectatur.

Primum tamen non potefl perpetuo obferuari, cum veris differentijs deftituamur, ac ipfarum penuria laboremus, vt notauit in compen. differentiarum, in princ. verf. & quia. Potefl autem fumi ex omnibus fere locis, ex quibus argumenta promuntur. Vt à caufa efficiente, Ius aliud dicitur Naturale, aliud Gentium, aliud Ciuile; A caufa finali aliud Publicum, aliud Priuatum; A fubiefto aliud verfari circa perfonas, aliud circa res, aliud circa actiones. Tales diuifiones in diftributione artis, feu operis

operis subdiuidendæ sunt, & singulæ subdiuisiones rur-
sus in angustiores species diuidendæ. Hoc est, quod Ci-
cero, lib. 1. de Oratore dicit. Omne Ius Ciuile in genera
digerendum, deinde eorum generum quasi quædam mem-
bra dispersiendi esse. Vt Imp. Iust. in suis Inst. præmisso
generali Iuris tractatu, diuidit Ius, in Ius personarum,
rerum, & actionum, de iure personarum tractat. lib. 1. de
rerum iure, lib. 2. 3. & 4. de actionum iure, lib. 4. tit. 6.
cum sequentibus, & personarum alias duas facit diuision-
es, nam diuidit homines in seruos, & liberos, hos rur-
sus in ingenuos, & libertinos, item in eos, qui sunt alie-
ni iuris, & qui sunt sui iuris, singula in angustiores spe-
cies subdiuidit, quod etiam in rerum, & actionum iure
facit, vt ibi patet.

Ad eundem modum potest iuris vniversi à summis ge-
neribus ad infimas eius species fieri diuissio, quemadmo-
dum constat ex diuisionibus infra positis; quæ diuisiones
quâtum profint ad singulorum lectionem, & cognitionem
iudicauit. Cicero, lib. 1. ad Herennium de diuisione cau-
sarum, & post eum Quintilianus de Oratore, lib. 2. de di-
uisione, cap. 7.

Sed, vt non semper necessaria, & quandoq. superua-
cua est, ita oportune adhibita plurimum scriptis, oratio-
niq. lucis, & gratiæ confert; Neque enim id solum efficit,
vt clariora fiant, quæ dicuntur, rebus velut ex turba ex-
tractis, & in conspectu Iudicum positis, sed reficit quoque
legentem, ac audientem certo singularium partium sine,
non aliter, quam facientibus iter multum detrahunt fati-
gationis notata in scriptis lapidibus spatia; Nam, & ex-
haustis laboribus nosse mensuram voluptati est, & scire
quantum supersit hortatur ad reliqua fortius exequenda;
nihil enim longum videri necesse est, in quo, quid vlti-
mum sit, certum est. Nec immerito multum ex diligen-
tia partiendi tulit laudis Quintus Hortensius; Cuius ta-
men diuisionem in digitos diductam nonnunquam Cice-
ro le-


ro leuiter eludit; Nam est certus eius modus, & euitanda maxime conq̃lisa nimium, & velut articulosa partitio; Nam, & authoritati plurimum detrahunt minuta illa, nec iam membra, sed frustra, & huius gloriæ cupidi, quo subtilius, & copiosius diuississe videantur, & superuacua assumunt, & quæ natura singularia sunt, secant, nec tam plura faciunt, quam minora. Deinde cum fecerunt mille particulas, in eandem incidunt obscuritatem, contra quam particio inuenta est. Diuisio, & simplex propositio quoties vtiliter adhiberi potest. Primum debet esse aperta, atque lucida; Nam quid sit turpius, quam obscurum esse id ipsum, quod in eum solum adhibetur vsus, ne cætera sint obscura? Tum brevis, nec vlllo superuacuo onerata verbo; Non enim quid dicamus, sed de quo dicturi sumus, ostendimus. Obtinendum etiam, ne quid in ea desit, ne quid supersit. Superest autem sic fere, cum aut in species partimur, quod in genera partiri satis sit, aut genere posito subijcitur species, vt si dicam de Virtute, Iustitia, Continentia, quæ virtutis sunt species. Particio proponit quid sit, de quo conueniat; quid, de quo ambigatur. In eo, quod conuenit, quid aduersarius fateatur, quid nos. In eo, de quo ambigitur, quæ disturi sumus, quæ nostræ propositiones, quæ partis aduersæ. Turpissimum vero, non eodem ordine exequi, quo quicque proposueris.


In quam quidem turpitudinem Iustinianum incidisse videtur, qui cum omne ius, quo vtimur, vel ad personas, vel ad res, vel ad actiones pertinere affirmer, & ideo de eis ordinate tractare promittat in §. omne autem, vlt. Instit. de iure natur. gent. & ciuil. tamen in Pandectis, Codice, & paruo legum Volumine promissum ordinem præuenit, & personas cum rebus, & actionibus, res cum personis, & actionibus, actiones vero cum personis, & rebus miscet, atque confundit; quas sic admixtas, atque confusas semouet, atque disgregat ordinatissimus Nicholaus

Vigellius in sua absolutissima vniuersi Iuris Ciuilis Metho-
do, & in quinquaginta libris, ff. in septem partes promiss-
so, & non seruato Iustiniani ordine distinctis.

Diuisionum totius Iuris Compendium.

Diuisio Prima.

1  US diuiditur in publicum, & priuatum.
l. 1. §. huius studij, ff. de iust. & iure,
& §. fin. instit. eod. & distinct. 1. c. pe-
nult. & 19. q. 2. c. duę sunt.

2  Priuatum ius diuiditur in Naturale,
Gentium, & Ciuile. d. l. 1. §. priuatum,
ff. eod. & §. fin. instit. eod. quę diuisio est sumpta à causa
efficiente, & distinct. 1. in princ. & c. ius autem, & distinct.
11. c. catholica.

3 Iuris diuisio tertia sumitur ex materia, seu obiecto,
nam omne ius, aut ad personas, aut ad res, aut ad actio-
nes pertinet. l. 1. ff. de statu hom. & §. fin. instit. de iur.
natur.

4 Item ius diuiditur in Diuinum, & Humatum. dist. 1.
c. omnes, & dist. 8. c. 1. 1.

5 Ius Ciuile diuiditur in scriptum, & non scriptum.
§. constat, inst. de iur. natur. gent. & l. ius Ciuile, §. fin.
ff. de iust. & iur. dist. 11. c. ius generale, in fin. & dist. 21.
c. Ecclesiasticarum.

6 Altera iuris Ciuilis diuisio est in speciale, & prætorium,
quę diuisio declaratur. l. ius autem. 7. ff. de iust. & iur.
Iuxta quam diuisionem obligationes, & actiones, alię di-
cuntur Ciuiles, alię Pretorię, seu honorarię, & sic ex diuer-
sitate

sitate nominis, differre utiq. dignoscitur, ex allegatis; de
differentij, ius Naturale.

Diuisio Secunda.

Constitutiones Principum diuiduntur, quia alię sunt
generales, alię personales, §. sed, & quod, in fine;
inst. de iur. natur. gent. & ciu. & l. 1. §. fin. ff. de constit.
Principum.

Item constitutionum personalium, alię sunt causę, alię
personę. Quę sunt causę ad heredes transmittuntur. Quę
sunt personę, non l. privilegia. 156. ff. de reg. iur. & l. in
omnibus. 68. ff. eod. & l. ex pluribus. 41. ff. de administ.
tuto. & l. tempus. 29. ff. de re iudic. habet exemplum.

Item alię sunt Ciuiles, & alię Ecclesiasticę. distinct. 3.
in princ.

Diuisio Tertia.

Publica iudicia diuiduntur, quia alia sunt capitalia,
alia non capitalia. Capitalia dicimus, quę ultimo
supplicio homines afficiunt. Non capitalia sunt, ex qui-
bus pecuniaria, aut in corpus aliqua coercitio pena est.
§. 2. inst. de publ. iud. & l. 2. ff. eod. & l. licet. 103. ff.
de verbor. signific.

Diuisio Quarta.

Poenā etiam diuiditur, quia alia est capitalis, alia
non capitalis. l. capitalium. 28. in princ. ff. de pœ-
nis. Item aliter diuiditur, quia alia vitam adimit, alia
seruitutem adiungit, alia Ciuilitate aufert, alia exilium,
aut coercionem corporis continet, alia damnū cum
infamia, alia dignitatis depositionem, aut alicuius actus
prohibitionem contrahit. l. si quis. 6. §. fin. cum seq. ff. eod.

Diuisio Quinta.

Relegatio, siue exilium diuiditur, quia aut est certorum locorum interdictio, aut lata fuga, vt omnium locorum præter certum locum, aut Insula vinculum, idest relegatio in Insulam. l. exilium, ff. de interdictis, & relegatis. & l. relegatorum, in princ. eod.

Diuisio Sexta.

Præuarcationis iudicium diuiditur, quia aliud publicum, aliud moribus inductum est. l. præuarcationis, ff. de præuarcatoribus. & l. palam. 43. §. si qua calumniat, ff. de ritu nupt.

Diuisio Septima.

Procurator diuiditur, quia aut omnium rerum, aut vnius rei esse potest. l. 1. §. 1. ff. de procurat.

Diuisio Octaua.

Munus diuiditur, quia aliud est publicum, aliud priuatum. l. honor. 14. §. 1. ff. de muner. & honor. Item aliud est patrimoniale, aliud personale, aliud mixtum. l. munerum. 18. in princ. ff. eod. & l. 1. in princ. & l. rescripto. 6. §. sciendum, ff. eod.

Diuisio Nona.

Adoptio diuiditur, quia alia est arrogatio, alia adoptio. §. 1. instit. de adopt. & l. 1. cum sequent. ff. eod.

Diuisio Decima.

Tutor diuiditur, quia alter est testamentarius, alter legitimus, alter datiuus, quia aut testamento, aut legibus, aut magistratu datur. S. permissam. instit. de tutulis. & l. 1. in princ. ff. de testam. tut. & toto titulo. instit. de legit. agn. tut. & l. 1. in princ. ff. de legit. tutor. & toto titulo. instit. de Attiliano tutor.

Diuisio Vndecima.

Serui diuiduntur, quia alij nascuntur, alij fiunt; Nascentur ex ancillis nostris, fiunt iure gentium ex captiuitate, aut iure Ciuili, cum liber homo. maior viginti annis ad precium participandum se se. venundari passus est. S. serui, instit. de iure perso. & l. & seruorum, S. 1. ff. de statu hom.

Diuisio Duodecima.

Peculium diuiditur, quia aliud est paganum, aliud castrense, aliud quasi castrense. l. peculij. 37. C. de inoffic. test.

Diuisio Decimatertia.

Libertini olim diuidebantur, nam alij maiorem, & iustam libertatem consequiebantur, & fiebant Ciues Romani, alij minorem, & fiebant Latini. ex l. Iunia Norbana, alij inferiorem, & fiebant ex l. Aelia Sentia dedititij, hodie libertas seruis cum Ciuitate Romana praestatur. S. libertinorum. instit. de libertinis. S. sed haec de libijs libertinis. instit. de success. libertorum. & l. vnica, C. de dedititia libert. toll. & l. vnica, C. de latina libert. toll.

Diuisio Decimaquarta.

Possessio diuiditur, quia alia est Naturalis, alia Ciui-
lis. l. 1. in princ. ff. de acquir. poss. l. questio 115.
S. possessio, ff. de verborum signif. & l. permissori. 52. S. 1.
ff. de acquir. poss. & l. possessio. 49. S. 1. ff. de acquir. poss.
& l. nemo. 10. in princ. C. eod. & l. 1. S. furiosus, in fin.
ff. eod. & l. denique. 19. S. fin. ff. quibus ex causis maior.

Hinc possessionis vocabulum pro subiecta materia varie
accipitur, aliter videlicet in vscapione, aliter in interdi-
ctis, aliter in rei vëdicatione. Primo casu angustior est eius
significatio. Secundo latior. Tertio latissima; Nam in
vscapionibus sumitur tantum pro ea detentione, qua quis
rem aliquam tanquam suam possidet, ad quod facit. l. pos-
sideri. 3. S. genera, ff. de acquir. posses. In interdictis la-
tius sumitur possessio pro ea detentione, qua quis rem ali-
quam detinet, non solum tanquam suam, sed, & tanquam
alienam suo tamen, non alieno nomine, sic vsufructuarius,
& vsuarius possidere rem dicitur, vt de iecto interdictum,
vnde vi competat. l. quidem. 3. S. penult. & l. Fulcinius.
8. ff. de vi armata. l. ult. ff. vti possid. Quo casu Seruus,
Colonus, Procurator possidere non dicuntur, nec de iectu
esse, cum non suo, sed alieno nomine possiderent: l. 1. S.
quod seruus, ff. de vi, & vi armata.

In rei vendicatione, quæ aduersus possessorem datur,
possessionis vocabulum latissime accipitur, vt etiam eum,
qui non suo, sed alieno nomine possidet, contineat, vt est
Depositarium, Colonus, Procurator, &c. l. officium. 9. ff.
de rei vendic.

Triplex igitur est significatio vocabuli possessionis iux-
ta triplicem animum, quo res detinetur. Nam is, qui rem
aliquam detinet, eam aut sub nomine detinet, aut alieno.
Suo nomine duobus modis. Primo, tanquam suam. Sec-
undo, tanquam alienam, ius tamen aliquod in ea præ-
tendens, veluti vsufructum, vsum, pignus, &c.

Angu-

Angustiore igitur significatione is tantum possidere dicitur, qui suo nomine, & tanquam suam rem detinet, vt in vſucapionibus. Sic vſufructuarius, & ſimiles non dicuntur possidere. l. 1. §. per eum. & l. permisceri. 52. in princ. ff. de acquir. poſs. l. certe ſi. 6. §. is qui, ff. de precario. l. adquirentur. 10. §. ſin. ff. de acquir. rerum dom. l. Celsus. 5. §. Iulianus, verſo quamvis nec hi, ff. ad exhibendum.

Latiore ſignificatione possidere dicitur, qui rem detinet ſuo nomine, ſed tanquam alienam; non ſuam, ob ius, quod in ea re habet, vt in interditiſ.

Sic vſufructuarius etiam dicitur possidere. l. naturali-ter. 12. in princ. & l. poſſeſſio. 49. in princ. ff. de acquir. poſs. Item creditor dicitur possidere pignus. l. cum, & ſortis. 35. §. ſin. de pign. actio. l. ſervi. 16. ff. de vſucapi. Item is, qui precario rogauit, dicitur possidere. l. in rebus. 4. §. 1. ff. de precario. & l. 2. §. ſin. ff. eod. & l. & habet. §. cum qui, eod. & l. poſſideri. 3. §. ex contrario ibi latinus tamen, ff. de acquir. poſs. & l. interdum. 21. in princ. ff. eod.

Depositarius autem non dicitur possidere. l. licet. 17. §. ſin. ff. de poſſiti. Rota diuer. deciſ. 281. num. 10. par. 2. Neque Procurator. l. quod meo. 18. in princ. ff. de acquir. poſs. neque Colonus, neque Inquilinus. l. certe ſi. 6. §. is qui rogauit, ff. de precario; neque is, qui in poſſeſſionem miſſus eſt. l. ſi quis. 10. §. idem Pomponius, ff. de acquir. poſs.

Latiffima ſignificatione omnes omnino dicuntur possidere, qui habent reſtituendi facultatem, ſiue ſuo, ſiue alieno nomine detineant, vt in rei uendicatione. Sic etiam Depositarius, Colonus, Inquilinus, Procurator, & ſimiles, qui alieno nomine detinent, possidere dicuntur. l. officiū. 9. ff. de rei vendic. l. comuni. 7. §. neque Colonus, ff. comm. diuidun.

Nihil habet commune proprietas cum poſſeſſione. l. naturali-

turaliter. 12. §. nihil commune, & l. permisceri, 53. in princ. ff. de acquir. poss. fieri itaque potest, ut alter possessor sit, Dominus non sit, alter Dominus sit, possessor non sit, & ut idem possessor, & Dominus sit. l. 1. §. huius autem, ff. uti possi. quanquam labolenus Domino non attribuat possessionem, in l. questio. 115. ff. de verborum signif. ubi ait, quidquid apprehendimus, cuius proprietatis ad nos non pertinet, aut nec potest pertinere, hoc possessionem appellari, sentiens, opinor, quemadmodum usufructus cum proprietate consolidatus non amplius dicitur usufructus, sed plenum dominium, ita quoque possessionem Domini non amplius possessionem, sed Dominium appellandum.

Possessionis vocabulum nunc facti, nunc iuris est, ut dictum est supra, nam Naturalis possessio eam significat, quæ corpore apprehenditur, & in facto consistit. Civilis eam, quæ consistit in iure, & ex qua non Domino usufructio procedere possit. Sic vxor rem sibi à marito donatam possidere dicitur Naturaliter, non Civiliter, quia ius Civile improbat hanc possessionem, ut ex ea non procedat usufructio. l. si eum qui. 27. in princ. ff. de donat. inter vir. & vxor. Civilis itaque possessio accipitur in sola supradicta prima significatione, cum quis rem aliquam detinet tanquam Dominus ipsius, quamuis re vera Dominus non sit, ut tamen eam rem usufructu possit. Naturalis autem possessio accipitur in omnibus istis tribus significationibus, nam & is naturaliter possidere dicitur, qui rem aliquam tanquam suam detinet, unde Dominium à naturali possessione proficisci dicitur. l. 1. in princ. vers. dominiumq. ff. de acquir. poss. nec distinguitur, usufructu res ab eo possit, nec ne.

Usufructuarius quoque rem, cuius usufructum habet, creditor item pignus, & is, qui precario rogauit, naturaliter possident, ut supra ostensum est; sed, & Colonus, & Depositarius naturaliter possidere dicuntur, l. communi.

7. §. neque colonis, ff. comm. diuidum, & per consequens omnes alij, qui alieno nomine detinent.

Plane tam Naturalis, quam Ciuilis possessionis duplex videtur esse significatio. Vna naturaliter dicitur possidere, qui corpore rem apprehendit, siue iusta, siue iniusta sit possessio. Sic etiam Ciuilitur dicitur possidere, qui solo animo possidet. l. nemo. 10. in princ. ff. de acquir. poss. Sic duo eandem rem in solidum possidere possunt, vnus naturaliter, siue corpore, & animo, alius ciuilitur animo tantum. l. & habet. 15. §. eum qui, ff. de prec. l. possideri. 3. §. ex contrario, vers. Sabinus tamen, & l. quo pignoris. 36. ff. de acquir. poss. l. serui. 16. ff. de vsucapio.

Altera significatione naturaliter dicitur possidere, qui rem ex iniusta causa detinet mala fide. Ciuilitur, qui possidet bona fide, ex qua possit procedere vsucapio; in qua significatione naturalis possessio dicitur quemadmodum filius naturalis ad differentiam legitimi. Sed in priori significatione naturalis possessio dicitur quemadmodum filius naturalis ad differentiam adoptiui. inst. de adopti. in princ.

Secunda possessionis diuisio est, quod altera est bonæ fidei; altera malæ fidei. l. possideri, §. genera, in fin. ff. de acquir. poss.

Tertia possessionis diuisio sumpta ex causa possessionis habetur, in d. l. possideri. 3. §. genera, ff. de acquir. poss.

Diuisio Decimaquinta.

Interdicta diuiduntur ex eorum officio, quia alia sunt prohibitoria, alia restitutoria, alia exhibitoria, alia mixta, quæ prohibitoria sunt, & exhibitoria. §. summa, inst. de interdictis, & l. 1. §. interdictorum, ff. eod.

Item diuiduntur ex eorum fine, quia alia adipiscendæ possessionis causa comparata sunt; alia retinendæ, alia recuperandæ. §. sequens, ibi adipiscendæ, ibi retinendæ, &

C ibi

ibi recuperandæ. inst. de interdict. l. 2. §. hæc autem, ff. eod. & l. 1. §. est igitur, vers. & ut pedius, ff. uti possidetis.

Item diuiduntur ex eorum materia, seu obiecto, quia alia competunt de rebus diuinis, alia de humanis. Item de rebus humanis, aut de his, quæ sunt alicuius, aut de his, quæ sunt nullius. l. 1. in princ. ff. eod. & l. 2. §. interdicta, ff. eod.

Item diuiduntur ex eorum materia seu obiecto iterum, quia alia in præsens, alia in præteritum referuntur. l. 1. §. interdictorum, ff. eod.

Item diuiduntur, quia alia quæ si proprietatis, alia possessionis causam continent. l. 2. §. quædam, ff. eod.

Item diuiduntur ex tempore, quia alia sunt annalia, alia perpetua. l. 1. §. fin. ff. eod.

Diuisio Decimasexta.

Seruitutes diuiduntur, quia aliæ sunt personarum, ut usufructus, aliæ sunt rerum, ut seruitutes rusticorum, prædiorum, & urbanorum. l. 1. ff. de seruitutibus.

Diuisio Decimaseptima.

Res diuiduntur, quia aliæ sunt diuinæ, aliæ humanæ. l. 1. in princ. ff. de diuis. rerum.

Diuinæ item diuiduntur, quia aliæ sunt Sacre, aliæ Religiosæ, aliæ Sanctæ. d. l. 1. §. 1. & §. quod autem. Humanæ item diuiduntur, quia aliæ sunt publicæ, aliæ priuatæ: d. l. 1. §. hæc autem res. Item diuiduntur quarto quia aliæ sunt in patrimonio nostro, aliæ extra patrimonium nostrum; nam quedam sunt naturali iure communia omnium, quedam publica, quedam vniuersitatis, quedam nullius, pleræque singulorum. inst. de rerum diuis. in princ. & l. 2. eod. Exemplum earum, quæ naturali iure communia sunt omnium tradit §. & quidem, instit. de rerum diuis. & d.

l. 2. in fin. Publicarum tradit §. flumina, cum seq. inst. eod. & l. nemo. 4. cum sequenti, ff. eod. earum, quę sunt vniuersitatis exemplum tradit. §. vniuersitatis. inst. eod. & l. in tantum. 6. §. vniuersitatis, ff. eod. Item quę nullius sunt tradit. §. nullius, inst. eod. & d. l. 6. §. sacre res, ff. eod. & d. l. 1. §. quod autem, ff. eod. Item earum, quę singularum sunt exemplum tradit. §. singularum, & sequentes. inst. de rerum diuis. vbi glos. in verbo iure Ciuili. & §. 1. & toto tit. inst. de vlucap. & per quas pers. nobis acq. & ff. de acquir. rerum domin. cum similibus.

Item quinto diuiditur, quia alię sunt corporales, alię incorporales. inst. de rebus corpor. & incorpor. & l. 1. §. quędam, ff. eod.

Item sexto diuiduntur, quia alię sunt mobiles, alię immobiles. & ita differunt.

Diuisio Decima octaua.

Bonorum possessio diuiditur in ordinariam, & extraordinariam.

Ordinaria, aut est ex testamento, aut ab intestato.

Ab intestamento, vt bonorum possessio { Secundum Tabulas, & contra Tabulas.

Ab intestato, vt est bonorum possessio { Vnde liberi.
Vnde legitimi.
Vnde proximi cognati.
Vnde vir, & vxor.

Inst. de bonorum poss. §. sunt autem, vsque ad §. cum. igitur, concordat. l. sed cum. 6. §. bonorum, ff. eod.

Diuisio Decima nona.

Testamenti prima diuisio est, quod alterum Calatis comitijs, alterum procintum, alterum per æs, & libram,

bram, alterum honorarium, alterum ciuile dicebatur.
inst. de test. §. 1.

Secunda diuifio est, quod alterum iustum, alterum iniustum dicitur. l. 1. §. 1. ff. quemad. test. aperia.

Tertia diuifio est, quod alterum scriptum, alterum nuncupatum dicitur. & sic constat differre.

Diuifio Vigesima.

Cognationis diuifio est, quia alia est naturalis, alia ciuilis, alia mixta, hoc est ciuilis, & naturalis, sed ciuilis magis proprie adgnatio vocatur. l. non facile. 4. §. cognationis, ff. de gradibus cogn.

Item alij sunt gradus superioris, alij inferioris, alij ex transuerso, siue à latere. inst. de gradibus cogn. in princ. concordat l. 1. in princ. ff. eod. & l. 9. eod. & superior cognatio est parentum, inferior liberorum. l. 10. §. parentes, ff. de gradibus, ex transuerso, siue à latere cognationis species proponitur d. l. 10. §. parentes eod. & ratio, quæ potest cognosci, quoto quisque gradu alteri sit cognatus proponitur. §. at quoties de d. l. 10. & ita differunt.

Diuifio Vigesima prima.

Legata, & fideicommissa olim in quatuor genera diuidebantur, vnum, quod appellabatur per vindicationem, alterum per donationem, tertium finendi modo, quartum per præceptionem, quæ diuifio proponitur, ac tollitur. inst. de legatis. §. sed olim quidem.

Diuifio Vigesima secunda.

Conditionum diuifio triplex ostenditur in l. in facto. 59. ff. de condit. & demonstr. quamuis, vt dicit ibi glos. in verbo quasi, aliæ multæ sint diuisiones, sed hæ frequentius contingunt.

Nam

Nam prima, aut in dando, aut in faciendo, aut in euen-
tu consistit.

Secunda, aut est affirmatiua, aut negatiua.

Tertia, aut est expressa, aut tacita, illa facti, hæc iuris
conditio appellatur. l. multum interest. 21. ff. eod. & vi-
de in tract. meo de condit. c. 3. in princ.

Diuisio Vigesima tertia.

Donatio diuiditur in donationem mortis causa, & in
donationem inter viuos, hæc propria illa impropria,
quæ continet etiam donationem ante, seu propter nuptias.
inst. de donat. in princ. concordat, l. 1. ff. eod.

Diuisio Vigesima quarta.

Donatio mortis causa diuiditur in tres species. Prima
est, cum quis nullo præsentis periculi metu conter-
ritus, sed sola cogitatione mortalitatis donat. Secunda
est, cum quis imminente periculo commotus ita donat, vt
statim fiat accipientis. Tertia est, cum quis periculo mor-
tis non sic det, vt statim fiat accipientis, sed tunc demum,
cum mors fuerit insecuta. l. 2. ff. de mortis caus. donat. &
l. mortis causa. 30. §. rursus, & l. senatus consult. 34. §. mor-
tis causa, ff. eod. & sic constat differre.

Diuisio Vigesima quinta.

Obligationis prima diuisio est, quod alia est Natura-
lis, alia Ciuilis. l. iuris gentium. 7. ff. de pactis.
Naturalis obligationis species, & exempla tradunt. l. cum
amplius. 84. ff. de reg. iur. & l. 1. in princ. ff. de pact. &
§. sed cum nulla, de d. l. iuris gentium, & l. 1. §. fin. ff. de
nouatio, & l. serui. 13. ff. de act. & oblig. & l. 1. in princ.
ff. ad Macedon. cuius obligationis propria sunt sex potis-
simum.

finum. Quorum primum est, ut solo æquitatis vinculo
substineantur, nullo iure ciuili suffulta, ff. de soluti, & ut
Ciuilis obligatio dicitur vinculum iuris, ita Naturalis obli-
gatio dicitur vinculum æquitatis. Alterum proprium est,
quod naturaliter obligati improprie debitores dicuntur,
l. fideiussor. 16. ibi nam licet minus, ff. de fideiussor. quia
proprie debitor is dicitur, à quo inuito pecunia exigi po-
test. l. debitor. 108. ff. de verb. sign. Ab eo autem, qui natu-
raliter est obligatus, inuito pecunia exigi non potest,
cum aduersus eum non detur actio. d. l. debitor. Ter-
tium naturalis obligationis proprium est, quod ex ea nul-
la detur actio, sed tantum exceptio, quod approbatur
exemplo pacti nudi. primo in l. iuris gentium. 7. §. sed
cum nulla, ff. de pactis. Item exemplo pupilli mutuum
accipientis, & post pubertatem soluentis. l. naturaliter.
13. §. fin. cum l. sequenti, ff. de cond. indeb. Tertio ap-
probatur exemplo serui contrahentis, cuius nomine solu-
tio est facta. d. l. 13. in princ. concordat. l. hæres. 21. §.
quod sic. ibi, & tamen nihilominus, ff. de fideiussoribus.
Quarto approbatur exemplo filij familias mutuum pecu-
niam accipientis, & post emancipationem soluentis. l. sed
& si. 11. §. fin. cum l. sequenti, ff. ad Macedon. l. & natu-
rales. 9. ff. de actio, & oblig. & l. fideiussor. 16. §. fideiuf-
sor, ff. de fideiussoribus, & hoc nisi aliqua Ciuili lege ad-
iuuetur. l. legitima. 6. ff. de pactis. Quartum proprium
est, quod quamuis alias accessorium sequatur naturam
sui principalis, tamen obligatio fideiussoria, & pignora-
ticia naturali obligationi accedens parit actionem, quam-
uis ipsa principalis obligatio actionem non pariat. l. fidei-
iussor. 16. §. fideiussor, ff. de fideiussoribus. & l. natu-
raliter. 16. in princ. ibi, & ob id, ff. de cond. indeb. & l. res.
3. ibi, vel tantum, & l. quæsitum. 14. §. fin. ff. de pignor.
Quintum proprium est, quod si fideiussor naturalis debi-
toris, pro quo intercesserat, hæres extiterit, fideiussoria
obligatio non extinguatur, quamuis secus in alio fideiuf-
fore

fore eueniret. l. Sticchum. 95. §. quid vulgo, ff. de solutionibus. Sextum proprium est, quod Naturalis obligatio, pacto conuento de non petendo, ipso iure tollatur, cum aliæ obligationes per pactum, non ipso iure, sed per exceptionem tollantur. d. l. Sticchum. 95. §. naturalis, ff. de solutionibus. Et ex ijs. constant Ciuilis, & Naturalis obligationis differentia.

Secunda obligationis diuisio est, quod alia sit Ciuilis, alia Prætoria. Inst. de obligationibus §. 1. & §. Ciuiles eod.

Tertia obligationis diuisio ex causa efficiente sumpta est, quod nascitur, aut ex contractu, aut ex quasi contractu, aut ex maleficio, aut ex quasi maleficio. Inst. de oblig. §. sequens, & l. 1. in princ. ff. de actio. & obligat. Obligationis ex contractu descendens diuisio sumpta ex causa, & modo contractus quadruplex est, Nam aut re primo, aut verbis secundo, Tertio aut litteris, Quarto aut consensu contrahitur. Instit. de oblig. §. fin. & l. 1. §. 1. ff. de actio. & oblig. Quid sit re contrahere dicit l. obligamur, 51. §. 1. scilicet mutuum, commodum, depositum, pignus, concordat Inst. quibus modis contra. obli. vbi additur quinta species, nempe solutio indebiti. Quid sit verbis contrahere obligationem dicit d. l. 1. §. verbis, concordat d. l. obligamur, 51. §. verbis. Quid sit litteris contrahere obligationem dicit Inst. de litter. oblig. & aliud exemplum ponit l. vltima, in princ. ff. mandati, & l. non fig. 37. ff. de actio. & oblig. Quid sit consensu contrahere obligationem dicit Inst. de oblig. ex consensu, & l. 2. ff. de actio. & oblig. concordat l. obligamur, 51. §. consentientes eod. & l. si stipuler. 35. §. fin. ff. de verb. oblig.

Item contractus, ex quo descendit obligatio dupliciter diuiditur. Nam primo alij sunt contractus nominati, alij innominati. Iuris gentium 7. in princ. ff. de pactis. Et de innominatis, atque eorum species dicit l. naturales 5. ff. de præscript. verbis.

Item obligationis diuisio, itidem ex causa, seu facto sumpta

sumpta proponitur. l. obligamur. § 1. ff. de actio. & oblig.
Nam contrahitur aut re, aut verbis, aut utroque, aut consensu, aut lege, aut iure honorario, aut ex necessitate, aut ex facto, quorum exempla subsequuntur in d. l. § 1.

Item obligationum alia diuisio est duplex; Nam primo, aut nomine nostro, secundo aut nomine alieno obligamur. l. 1. §. aut proprio. ff. de actio. & oblig.

Item obligationum alia diuisio est quadruplex sumpta, ex causis formalibus, l. obligationum fere 43. ff. de actio. & oblig. Nam primo in obligationibus est dies. 2. conditio. 3. aut modus. 4. aut accessio. Quorum exempla in d. l. subsequuntur. ibi cum dies de die, de conditione, ibi conditio vero, de modo ibi. modus autem, de accessione ibi. accessio vero. & sic patet differre.

Diuisio Vigesima sexta.

Actionis diuisio sumpta ex persona eius, aduersus quem competit, est duplex. In rem prima, quæ dicitur vindicatio, secunda in personam, quæ dicitur condictio. l. actionum. 24. in princ. ff. de actio. & oblig. & Inst. de act. §. omnium.

Actionis diuisio secunda sumpta ex facto, ex quo agitur est duplex. Prima ex contractu, secunda ex facto, tertia in factum est. l. actionum. 24. §. actionum. ff. de act. & oblig. quorum exempla subsequuntur. Nam de prima ex contractu ibi ex contractu, De secunda ex facto ibi. ex facto, De tertia in factum ibi in factum, & supra Diuis. 25. vers. tertia obligationis diuisio.

Actionis diuisio tertia sumpta ex iure, ex quo agitur, est duplex. Nam primo, aut dicitur Civilis, secundo aut honoraria. d. l. 24. §. fin. & in Diuis. 25. vers. secunda obligationis diuisio, & Inst. de actio. §. sed istæ quidem. Vbi utriusque species, & exempla enumerantur, quæ Honorariæ dicuntur, dicuntur etiam Prætorix, & sunt annales. Inst. de

de perpet. & temp. actio in princ. nisi contineant persecu-
tionem rei l. in honorarijs, 34. ff. de actio. & oblig. & inst.
cod. in princ.

Actionis diuifio quarta sumpta itidem ex iure, quo agi-
tur, est duplex. Prima directa, secunda utilis. Directa est,
quæ ex ipsis verbis legis datur. Utilis verò, quæ cessanti-
bus verbis, ex mente legis iusta interpretatione compe-
tit. Vtputa dicit lex Aquilia si quis alteri damnum fece-
rit, quod vsserit, fregerit, ruperit iniuria quanti ea res
erit, diebus triginta proximis, tantum xs domino dare
damnas esto. l. si seruus 26. §. tertio autem, ff. ad legem
Aquiliam.

Si quis igitur seruum alicuius; vel pecudem vsserit,
fregerit, ruperit, ex iam dictis verbis legis actio compe-
tit, quæ dicitur Directa d. l. 26. §. si quis autem alienum vi-
num, vel frumentum consumpserit, ex dictis verbis actio
quidem non competit, quia de vsto, fracto, & rupto, non
de consumpto, vel effuso loquitur, quia tamen mens legis-
latoris: & hæc fuit, vt quis de consumpto quoque teneat-
ur, ex mente legis competit actio, quæ dicitur utilis, l.
qui occidit, 30. §. si quis alienum, ff. eod. quoties enim
deficit actio, vel exceptio directa, utilis actio, vel exceptio
danda est, l. quia, 11. & l. quoties 22. ff. de præscriptis ver-
bis; & nihil interest, qua actione quis agat, vel conuenia-
tur, nam vtraque est eiusdem potestatis, & eundem habet
effectum, l. actio negotiorum gestorum 46. ff. de negotior.
gestor.

Actionis diuifio quinta sumpta ex re, quæ in actionem
venit, seu fine est triplex. Nam prima persequendæ rei cau-
sa comparata est. Secunda penæ. Tertia vtriusque nempe
rei, & penæ Inst. de act. §. sequens, quarum exempla ibi sub-
sequuntur. De prima persequendæ ibi rei persequendæ.
De secunda penæ, ibi pena tantum. De tertia vtriusque
rei, & penæ, quæ dicitur mixta ibi. Quo casu, & ibi. Ob
id, & ibi Vi autem, & ibi. Item mixta.

Actiōnis diuīſio ſexta itidem ſumpta ex re, quę in actiōnem venit, quadruplex eſt. Nam prima in ſimplum concepta eſt. Secunda in duplum, tertia in triplum, quarta in quadruplum, vltius nulla actiō extenditur. Inſt. de actiō. §. omnes autem actiōnes, vel in ſimplum, quorum exempla ibi ſubſequentur. De prima ſimpli ibi. In ſimplū. De ſecunda dupli ibi. In duplum. De tertia tripli ibi. Tripli vero. De quarta quadrupli ibi. Quadrupli autem.

Actiōnis ſeptima diuīſio duplex eſt. Nam prima bonę fidei. Secunda ſtricti iuris. Inſt. de acti. §. actiōnum quędam bonę fidei. quorum exempla ibi ſubſequentur. De Prima bonę fidei ibi. Bonę fidei, cetera vero ſunt ſtricti iuris.

Actiōnis octaua diuīſio ex adiuncto iudicis officio ſumpta eſt duplex. Prima Arbitraria. Secunda, non arbitraria Inſt. de actiō. §. præterea quædam, quorum exempla ibi ſubſequentur.

Actiōnis nona diuīſio ex omnibus generibus actiōnum notanda toruplex eſt, quoruplicia ſunt genera actiōnum, quę enumerantur, l. actiōnis 36. ff. de actiō. & oblig. & inſt. de actiō §. quædam actiōnes, & alię multę infra ſuis locis ſpecialibus ponendę. Et ſic patet diſferre.

Diuiſio Vigefimaſeptima.

PActi conuenti, ſeu conuentionis Prima diuīſio duplex eſt. Nam prima dicitur Nominata. Secunda in nominata, l. 1. §. ſin. ff. de pactis, & l. iuris gentium 7. in princ. eodem.

Pactorum tertia diuīſio eſt duplex. Nam Prima pacta legitima, ſecunda iuris gentium continet dicta l. conuentionum, & l. legitima, 6. ff. eod. concordat inſt. de oblig. §. ciuiles.

Pacti, & conuentionis quarta diuīſio duplex eſt. Nam prima parit actionem. Secunda exceptionem tantum, l. iuris

iuris gentium 7. in princ. ff. de pactis.

Pactorum quinta diuifio duplex est. Nam prima pacti reale, secunda personale continet d.l. 7. §. pactorum; & l. tale 40. in princ. eod.

Pactorum sexta diuifio duplex est. Nam prima continet pacta expressa, secunda pacta Tacita, l. 2. ff. de pactis. Cuius Taciti prima species proponitur d.l. 2. Secunda species proponitur d.l. 4. §. huius rei. quarta species proponitur d.l. 4. §. fin. quinta species proponitur l. qui in futurum, 56. in princ. ff. de pact. sexta species proponitur, l. si vnus, 27. §. si acceprilatio, ff. de pactis, septima species proponitur l. 2. C. de pactis. octaua species est, si quis id, quod sibi debetur, ab alio sibi dari sit stipulatus, hoc enim casu prior, debitor exceptione pacti conuenti defenditur, quę species approbatur, & distinguitur, l. in persona, 30. §. qui pecuniam, ff. de pactis.

Pactorum septima diuifio est quadruplex, aut enim re primo, secundo verbis, tertio litteris, quarto consensu fiūt. Vide supra diuif. 25. Verf. Obligationis ex contractu descendens diuifio sumpta ex causa, & modo contractus, & ita dignoscitur eorundem differentia.

Diuifio Vigesima octaua.

Stipulationum prima diuifio sumpta ex causa efficiēti quadruplex est. Nam prima continet Iudiciales, secunda Prętorias, tertia conuentionales, quarta communes, l. stipulationum, 5. ff. de verb. oblig. quorum exempla ibi subsequuntur. Nam de prima Iudiciali ibi Iudiciales. de secunda Prętoria ibi Prętorię. de tertia conuentionali ibi conuentionales. De quarta communi ibi Communes. Concordat Inst. de diuif. stipulationum, §. stipulationum. Azzo in summa, ff. de Prętorijs stipulat.

Stipulationum secunda diuifio sumpta ex re in stipulationum deducta est duplex. Nam prima consistit in dando,

D 2 secun-

secunda in faciendo. l. 2. in princ. ff. de verb. oblig. concordat Inst. eod. §. non solum,

Stipulationum tertia diuisione itidem sumpta ex re in stipularum deducta est duplex prima est Certa, secunda Incerta. l. stipulationum 74. cum l. sequenti, ff. de verb. oblig. quorum exempla subsequuntur ibi. Nam de prima Certa ibi, Certum est. De secunda incerta ibi, Vbi autem non apparet. Certæ stipulationis species ibi octo proponuntur, Incertæ decem, quas scire multum interest. Nam ex stipulatione certa oritur certi conditio, ex incerta datur actio ex stipulatu, l. si quis, 24. ff. si cert. pet. & Inst. de verb. oblig. in prin.

Stipulationum quarta diuisione est duplex. Nam prima est Diuidua, secunda Indiudiva, l. in exceptione 85. ff. de verb. oblig. & ita differre constat.

Diuisione Vigesima nona.

Stipulationum Prætoriarum prima diuisione est triplex, nam prima Iudiciales, secunda Cautionales, tertia Communes stipulationes continet, l. 1. in princ. ff. de prætor. stipul. quarum exempla subsequuntur ibi. Nam de prima iudiciali, ibi iudiciales. De secunda cautionali, ibi cautionales. De tertia communi, ibi communes, & omnes sui naturæ sunt cautionales ibi.

Stipulationum Prætoriarum secunda diuisione duplex est. Nam prima habet eas, quæ satisfactionem exigunt, secunda eas, quæ nudam exigunt repromissionem dicta l. 1. §. stipulationum vsque ad §. his verbis, ff. de prætor. stipul. quorum exempla subsequuntur ibi. Nam de prima quæ satisfactionem exigit ibi. Stipulatio ista, & ibi. Namque de eo, & ibi, sed & hij, & ibi. Nam si. De secunda quæ satisfactionem non exigit, sed nudam repromissionem ibi. Vbi de prima.

Stipulationum Prætoriarum tertia diuisione est duplex.
Nam

Nam prima continet rei restitutionem. secunda incertam quantitatem, l. 2. ff. de pretor. stipul. quarum exempla ibi subsequuntur: Nam de prima rei. De secunda incertam quantitatem continente. ibi incertam quantitatem. & sic differunt propter diuersitatem nominis.

Diuisio Trigesima

Pignoris diuisio duplex est. Nam aliud est Conuentionale, aliud Pretorinum, l. 2. in princ. C. de Pretor. pigno. & ideo differre constat.

Diuisio Trigesima prima.

Societatis diuisio duplex est, aut enim primo est totorum bonorum, aut secundo vnus alicuius negotiationis. Inst. de societate, S. societatem coire, & l. societates, 5. ff. pro socio, vt hac ratione differant.

Diuisio Trigesima secunda.

Mandati diuisio quintuplex est. nam primo contrahitur, si sua tantum gratia aliquis tibi mandet. Secundo si sua, & tua, Tertia si aliena tantum. Quarto si sua, & aliena. Quinto si tua, & aliena. Inst. de mandato in princ. quorum exempla ibi subsequuntur. De primo si sua tantum gratia ibi. Mandatis tantum. De secundo si sua, & tua ibi. Tua gratia & mandantis. De tertio si aliena tantum, ibi. Aliena tantum. De quarto si sua, & aliena, ibi. sua, & aliena. De quinto si tua, & aliena, ibi. Tua, & aliena. Tua tantum gratia mandatum superuacuum est, ibi. At si tua tantum, & est potius consilium, ibi. Tua tantum gratia interuenit concordat, l. 2. ff. mandati, & hac ratione differre non est dubium.

Diuisio Trigesimalatertia.

Actionis Prescriptis verbis quadruplex diuisio ex quatuor causis sumpta est: nam prima est Do tibi, vt des; secunda do, vt facias; tertia facio, vt des; quarta facio, vt facias, l. naturalis, 5. ff. prescript. verbis, quorum exempla ibi subsequuntur: nam de prima Do tibi, vt des, ibi, Et si quidem. De secunda do, vt facias, ibi, At cum do, vt facias: De tertia facio, vt des, ibi. Quod si faciam, vt des. De quarta facio, vt facias, ibi, sed si facio, vt facias, & ita differunt.

Diuisio Trigesimaquarta.

Negociorum gestorum actionis diuisio duplex est. Directa vna, Altera contraria. Inst. de oblig. quę quasi ex contr. nasc. §. 1. ibi. sed domino quidem, concordat l. 2. ff. negocijs gestis, & vtrique ideo differre colligitur.

Diuisio Trigesimaquinta.

Furti diuisio duplex est: prima habet furtum manifestum. Secunda non manifestum, l. 2. ff. de furtis, & Inst. de oblig. quę ex delicto nascuntur. Si furtorum, & differentia pater.

Diuisio Trigesima sexta.

Exceptionum prima diuisio duplex est: nam primo quędam ex legibus, vel ex ijs, quę legis vicem obtinent, substantiam capiunt. Secundo quędam ex Prętoris iurisdictione, & sic primę ciuiles: secundę Prętorię dici possunt, Inst. de except. §. hęc exempli, in fine.

Exceptionum secunda diuisio sumpta ab effectu est duplex, nam prima habet perpetuas, & peremptorias. secun-

da temporales, & dilatorias. Inst. eod. S. appellantur, quorum exempla ibi subsequuntur. De prima perpetua, & peremptoria, ibi, perpetua, & peremptoria. De secunda temporali, & dilatoria, ibi temporales, atque dilatorie exemplum subsequitur, & Inst. eod. S. penult. concordat diuisioni propositae, l. 2. S. fin. ff. de except. & l. exceptiones, 3. ff. eod. & l. si quis, 12. C. eod. & l. aperti illi. C. de iudicijs istae temporales, seu dilatoriae translatiue etiam dici possunt ex sententia Cicer. lib. 1. de Oratore, ibi Atque in nostra quidem consuetudine multis de causis fit, ut rarius incidant translationes, has utique meminit Quintil. de Oratore lib. 5. c. 13. in princ. ibi Patronus neget, defendat, transferat illae peremptoriae, & perpetuae exclusivae, ibi, Nam & praetorijs exceptionibus multae excluduntur actiones, quem refert Budaus, in annot. in Pandect. ex l. posteriore de orig. iuris, in verbo vindicias, fol. 119. & differre utique notum est.

Diuisio Trigesima septima

Liberationum diuisio prima sumpta ex iure, seu causa liberationis est duplex. Prima Naturalis, secunda Ciuilis, l. verborum, 107. ff. de solutionibus, quorum exempla ibi subsequuntur, Nam de prima naturali ibi Naturaliter, de secunda Ciuili ibi Ciuilitexemplum subsequitur.

Liberationum secunda diuisio sumpta ex modo liberandi est duplex. Prima, quod ex quibusdam causis ipso iure liberatio contingat secunda quod ex quibusdam causis nonnisi per exceptionem ipso iure veluti solutione, Nouatione, Acceptilatione, &c. quibus modis debitor liberatur, etiam antequam solutionis, nouationis, vel acceptilationis exceptio fuerit opposita. Per exceptionem autem liberatur reus, cum non sufficit aliquid factum esse, ex quo reus liberari possit, sed requiritur etiam, ut in isto

facto

facto exceptio in iudicio fit opposita. De prima exemplum est in l. si vnus. 27. §. pactus ne peteret, ff. de pactis, ibi. si pactum conuentum tale fuit. De secunda exemplum est in l. eum qui 56. §. qui ita stipulatur ibi. Quemadmodum is, ff. de verb. oblig. concordat, l. obligationum 43. §. placeat, ff. de actio. & oblig. & sic patet differentia.

Diuisio Trigesima octaua.

Nouationis, & Delegationis diuisio duplex est. Prima fit per stipulationem. secunda fit per litis contestationem, l. delegare 1. in fine, ff. de nouatio.

Nouationis secunda diuisio triplex est. Prima cum vnus persone obligatio in alterius persone obligationem nouatur, secunda cum alterius generis obligatio in verborum obligationem nouatur, Tertia cum verborum obligatio in alteram formam commutatur, idest cum ei adijcitur, vel detrahitur, l. 1. & 2. ff. de nouatio. & hac ratione differunt.

Diuisio Trigesima nona.

Capitis diminutionis diuisio triplex est. Prima maxima, secunda maior, seu media, tertia minima. Inst. de capit. diminut. quarum exempla ibi subsequuntur. De prima maxima, ibi. Maxima. De secunda minori, vel media, ibi. Minor, siue media. De tertia minima, ibi. Minima exemplum subsequitur. concordat, l. ult. ff. eod. & sic differre constat.

Diuisio Quadragesima.

Postliminiij diuisio duplex est. Primum in pace, secundum in Bello. competit, l. postliminiij. 5. ff. de capt. & postlim. reuers. quorum exempla ibi subsequuntur. De primo

primo in pace ibi. In pace. De secundo in Bello, ibi in Bello exemplum subsequitur.

Diuisio Quadragesima prima.

Imperium dupliciter diuiditur primo in Merum, secundo in Mixtum, l. Imperium, 3. ff. de iurisd. omn. iud. quorum exempla ibi subsequuntur. Nam de primo mero, ibi, merum imperium. De secundo mixto, ibi mixtum est subsequitur exemplum. & differre cognoscitur.

Diuisio Quadragesima secunda.

Fideiussor quadrupliciter diuiditur, primo in fideiussorem, secundo in mandatorem, tertio in constitutorem, quarto in expromissorem, l. 1. & 3. §. 1. ff. de const. pecun. quæ dicit de constitutore, & l. 2. C. eod. de fideiussore. Inst. de fideiussore. & ff. de mandatore dicit, l. si vero non remunerandi causa, §. si post creditum, ff. mandat. de expromissore dicit, l. 5. §. satis acceptio; ff. de verbor. oblig. & sic patet differre.

Diuisio Quadragesima tertia.

Nomina appellatiua dupliciter diuiduntur, nam quedam sunt, quæ res habent eo ipso, quod sunt res sine hominis impositione, vt homo, asinus, quedam sunt, quæ res habent per accidens, vt albus, niger, homo albus, niger asinus, quorum error in prima specie vitiat actum. in secunda non vitiat. Bald. in l. si quis in fundi vocabulo, num. 3. vers. quarto circa hoc queritur nunquid, ff. de legat. 1. vsque ad vers. in glo. quia vestem. & sic differre constat.

Diuisio Quadragesimaquarta .

Consuetudo dupliciter diuiditur . in scripta , & non scripta dist. 1. c. consuetudo ; §. nec differt , & §. cum itaque .

Diuisio Quadragesimaquinta .

Canonum diuisio habetur dist. 3. cap. regula §. porro canonum .

Diuisio Quadragesimasexta .

Excommunicationis diuisio quadruplex est , quia alia fit ipso iure , alia per sententiam , alia , quæ fit à corpore Christi , & alia , quæ fit à communione fidelium , vt habetur 11. q. 3. c. curæ sit. §. fin. cum c. sequen. cap. ad mensas , §. euidenter. ver. sed ipsius sententiæ , cum sequen. Excommunicationis ipso iure exemplum proponitur 24. q. 13. c. de illis , c. cum aliquis , & c. certum , in princ. & in multis ideo differunt .

Diuisio Quadragesimasextima .

Ablutionis diuisio duplex est . Vna publica , alia priuata , vt habetur 26. quæst. 6. cap. ministrare ; §. sed notandum .

Diuisio Quadragesima octaua .

Diuisio Clericorum in Canonicos , & non canonicos habetur. c. cum tibi. 18. de verborum signific.

Diuisio Quadragesimanona.

Diuisio Episcoporum, & species habentur in c. 1. §. ordo vero distinct. 21.

Diuisio Quinquagesima.

Poenitentia triplex habetur, in cap. tres sunt. de poeniten. distinct. 1. & duplex vera, & falsa, in cap. inranti, §. fin. & c. sceleratior, §. 1. distinct. 3. de poeniten. item interior, & exterior, cap. quis aliquando, §. è contra, distinct. 1. eodem.

Diuisio Quinquagesimaprima.

Peccata diuiduntur in mortalia, & venialia, cap. cum vnum. §. vnde. distinct. 25. Item in originalia, & actualia, c. regenerante. distinct. 4. de consecrat.

Diuisio Quinquagesimasecunda.

Sponsalia alia sunt de præsenti, alia de futuro c. si inter virum, 31. de sponsalibus.

Diuisio Quinquagesimatertia.

Matrimonium aliud est initiatum, aliud ratum 27. quæst. 2. cap. statutum, §. fin. aliud legitimū, & non ratum, aliud ratum, & non legitimū, aliud denique legitimum, & ratum, 28. q. 1. c. vlt. §. coniugium. & sic propter nominis diuersitatem differre constat, vt sepe dixi.

F I N I S.

